

Ludwig Im Graben von Feldkirch, Pfarrer in Eschen, stellt Abt Melchior von Pfäfers einen Revers aus für die ihm verliehene Pfründe zu Eschen.

Or. (A), Liechtensteinisches LandesA, PfäFA 5. – Pg. 31,5/24,2 (Plica 4) cm. – Siegel fehlt. – Recto am linken Rand auf der Höhe der zwölften Zeile (aus späterer Zeit): Auch daselbst tach vnnd gmach in gütten eren haben.

Regest: Schädler, Pfarrei Eschen, S. 29. – Büchel, Pfarrei Eschen, S. 22.

Ich^{a)} mayster Ludwig im Graben von Feldkilch¹ pfarrer zu Eschen² Churer bistumbs beken offenklich ||² vnd thun kundt allermenglich mitt disem offen brieff. Als dan der hochwirdig fuirst vnd her, her ||³ Melchior³ abbt des wirdigen gotzhus Pfeuers⁴ sanct Benedikten ordens in Churer bistumb gelegen min ||⁴ gnediger her durch gottes siner mütter Marie singens vnd lesens vnd vmb mins priesterlichen ampts⁵ willen vss sunderlichen gnaden mir die pfründt vnd luitkirchen zu Eschen, so dann sinen gnaden⁶ vnd dem berürtten gotzhus züstaut zelichen, gelichen vnd mich minem gnedigen heren von Chur⁷ presentiertt haut, hyerumb gelob vnd versprich ich hyemitt festenklich dem selben minem gnedigen hern⁸ von Pfeuers vnd gantzem conuent, sy vnd ire nauchkumen by allen iren rechten gerechtikaytten vnd⁹ altem herkomen der genanten pfarkirchen vnd pfründt halb zu Eschen ruwig vnd vnversucht zebeliben¹⁰ laussen. Besunder mich der pfründt, wie sy von minen voruaren ingehabt vnd altem herkomen gewesen ist, ¹¹ benugen laussen, da wider nitt thun weders mitt wortten noch wercken noch ouch schaffen gethon werden¹² in dehayn wis noch weg. Vnnd des alles zu waurem offen vrkundt vnd merer sicherhaytt der waur-¹³ haytt hab ich obgemelter mayster Ludwig mitt vlis vnd ernst arbetten den ersamen vnd wisen Felixen¹⁴ Mercklin der zitt stattaman zu Feldkilch, das er sin insigel fuir mich vnd min erben, doch im vnnd¹⁵ sinen erben ohne schaden, hault offenklich laussen hencken an disen brieff. Der geben ist nauch der gebürt¹⁶ Christi vnser herrn tusendt fierhundertt vnd im zwayvndnuntzigisten jaren, am donstag nechst¹⁷ nauch vnser lieben frowen tag annunciacionis.

^{a)} *Initiale J 5,5 cm lang.*

¹ *Feldkirch, Vorarlberg (A).* – ² *Eschen.* – ³ *Melchior v. Hörnlingen, Abt von Pfäfers 1489-1506.* – ⁴ *Benediktinerkloster Pfäfers, Bez. Sargans, SG (CH).*